

Prvi zamjenik VP/Supervizor za BD prisustvovao vježbi spašavanja u Brčkom, pozvao na stalan rad na osposobljavanju za zaštitu od nepogoda



Prvi zamjenik visokog predstavnika/supervizor za Brčko Distrikt Jonathan Mennuti prisustvovao je danas općoj vježbi DPPI FLEX 2023, koju je u Brčkom organiziralo Ministarstvo sigurnosti BiH u saradnji s Inicijativom za prevenciju i spremnost u slučaju prirodnih katastrofa za područje Jugoistočne Evrope (DPPI SEE). U ovoj vježbi, tokom koje je izvršena sveobuhvatna simulacija stanja poplave, sudjelovali su timovi iz Bosne i Hercegovine i devet drugih zemalja članica DPPI SEE.

Konstatirajući napredak koji je Brčko postiglo od razornih poplava 2014. godine, prvi zamjenik visokog predstavnika/supervizor Mennuti naglasio je neophodnost kontinuiranih napora u provođenju priprema za eventualne elementarne nepogode, uključujući i kontinuiranu saradnju sa međunarodnim partnerima i donatorima kako bi se do kraja provele aktuelne mjere zaštite od poplava i drugi ključni infrastrukturni projekti koji imaju suštinski značaj za zaštitu života i imovine u slučaju eventualnih budućih

prirodnih katastrofa. Kako Brčko nastavlja ostvarivati pomake u pogledu jačanja zaštitnih mjera, ovakva vrsta saradnje i izvođenje vježbi predstavljaju ključne elemente za osiguranje zaštite i dobrobiti stanovnika Distrikta.

Tokom posjete, prvi zamjenik visokog predstavnika/supervizor je također imao priliku da se sastane sa rukovodstvom Brčkog kako bi se upoznao s napretkom u provođenju reformi u oblasti dobre uprave i infrastrukturnih projekata u Distriktu, te se sastao i sa predstavnicima opozicionih stranaka u Skupštini Distrikta.